

富皆 天之賜也豈朕之功歟雖則 告成功紀

徽鼎非涼德之克堪也然而序 圖籙答 殊禎

非眇躬之敢讓也 天孫日觀 梁甫仙間五嶽

之宗萬物之始 升中燔柴舊章斯在繼承 先

志懿範遵已定之經祗事 園丘 嚴配肅因心

之孝於是詔輔臣以經置命群儒而講習給祠祀者因

有不至供朕身者無必求豐故 玉幣犧牲朕之所

勤也羽儀服御朕之所簡也精意篤志夙興夕惕誠明

洞達 顯應選彰自 天垂恩正真親臨於雲馭

奉 符行事子育敢怠於政經粵以暮秋之初恭饗

清廟告以陟配孟冬之吉虔登 岱宗伸乎對

越奉 寶籙於座右升 祖宗以並侑禮之正也

孝之始也乃禪 社首厥制成若于時 天神畢

降 地祇畢登 彤鬯可期奠獻如覩其薦也雖

慙乎明德其感也實在乎至誠亦復酌酹宮之前聞遵

甘泉之受計百辟委珮五等奉璋肆告施仁舉善勸治

稽考制度採摭風謠文物聲明所以揚 二聖之洪

烈歡娛慶賜所以慰百姓之來思蓋又 兩儀之純

嘏 七廟之餘慶邦家之盛美蒸黎之介福豈子寡

昧所可致焉惟當瘠瘵貧畏夙夜惕厲不自滿假不自

逸豫寵綏庶國茂育群倫以答 穹昊之眷命焉勒

銘山阿用垂永世銘曰

節彼 岱嶽 巍然東方 庶物伊始 靈威其彰

自昔受命 反始 穹蒼 燔柴于此 七十六

王 顧惟寡薄 恭嗣洪猷 軋軋慄慄 雖休勿休

元符昭錫 餘慶遐流 群情所迫 盛明爰修

前王丕顯 是日告成 伊子冲眇 無德而名 永

懷眷佑 祇答 景靈 聿崇 嚴祀 用達

精誠 殊祥疊委 寓縣奔馳 禮無違者 神實格

思 藏封石累 刻字山峯 蒸民永泰 繁祉常垂

大中祥符元年十月二十七日

御書院奉 勅摹勒刻石